

أخطار تهدد وجود المسلمين في الغرب 4\6 فريد الأنصاري

فريد الأنصاري

شت الطفل لما يكون رضع في العمائم اللولة هداك الرضاع وداك الحليب كيساهم فتكوين الشخصية البيولوجية ديالو والنفسية ايضا ولذلك يحرم من الرضاع لا يحرم من النسب تا الثقافة را عندها نفس الشي لما كتكون الثقافة كتعطى للطفل واحد السن اللي يلاه كتكون البصمات الأولى ديال الشخصية ديالو ودوز لو لغة اخرى - [00:00:00](#)

هذا خطر عظيم ما تقوليش اودي راني علمتو العربية كي غدير ؟ عندو جوج د الأعمار عندو جوج طفولات ايعيش الطفولة ديالو مرتين. لا يمكنك ان تسبح في النهر مرتين مستحيل - [00:00:25](#)

ولذلك وجب تقوية الدرس اللغوي العربي ويعتبر واجبا من الواجبات الدينية الإسلامية يحاسب عنه الأبوان وواجبا من الواجبات الوطنية هادي ظاهرة خطيرة خاصة في فصل الصيف شوف الأطفال كل واحد واش من لغة باش كيتلغ - [00:00:38](#)

هذا فرنساوي هذا انجليزي هذا والعربية مجهولة في الوسط ديال الأطفال هذا امر خطير ومدمر للشخصية ولذلك من استطاع ان يستدرك فليستدرك. ويجري يعلم ولادو العربية من جديد هنا في المغرب الحمد لله مازال الأمور احسن. طبعاً احسن. شيء طبيعي وشيء قطعي. لأنه وخا العربية الفصحى ضعيفة فعلاً في برامج التعليم. ولكن - [00:00:58](#)

كاين واحد العنصر ايجابي وهو اللهجة العامية راها الداريجة العامية راه مبيعداش بزاف. من حيث المفاهيم لي كيفهم الثقافة. من حيث المفاهيم الداريجة مبيعداش بزاف على العربية الفصحى ولذلك يا ليت هاد الأطفال لي كيجيو من اوروبا كيتعلمو غي بالداريجة ديال المغرب. العامية. باش يحس بالانتماء ديالو لبلادو. والكلمات - [00:01:25](#)

الألفاظ راه عندها انتماء نفسي. عندا يسحاب لك راه غير كلام عادي وكذا. كل كلمة في اللغة عندها جذور نفسية في شخصية الإنسان فلما يتعلم اللغة الأخرى ولا يعرف للغة الأصلية سببها - [00:01:50](#)

فهذا اذن عندو انتماء نفسي لوطن اخر. نبدأو نكدبو على روسنا عندو انتماء نفسي وجداني وعندو الحنين لوطن اخر. ولذلك كنشاهدو هاد الظاهرة المؤلمة ان الابهاء لما كيوصلو سن التقاعد في اوروبا كيغيو يدخلو ولاد - [00:02:06](#)

كيقولو سير بوحدك اذن ما حسش هاداك الابن بأنها بلادو غي بلاد باه لأن باه هو اللي تزايد هنا هو اللي كبر هنا وهو اللي عندو الثقافة الوطنية والدينية ديال هنا اما الأبناء - [00:02:21](#)

قد ضاعوا في اكثر الأحوال مع الأسف مارابح المغرب والو من هاد الجيل هادا مارابح والو حقيقة ماربح والو لأن الريح الكبير ديال البلاد ديال الدين وديال الوطن هو لما يكون عندي واحد فأمريكا ولا يعني فأني مكان فالعالم - [00:02:33](#)

فرنسا ولا النجليز ولا البلاد المنخفضة فينما كان ولكن كتحس بيه وعندني الثقة الكاملة لأن النبض ديالو والوجدان ديالو كينهب ولما فعلاً يحس بالرغبة في السكنينة والراحة يجي لهننا ويجي وما يحسش بأنه غريب الثقافة ديالو غريبة السلوك ديالو غريب - [00:02:48](#)

ولهذا ايها المؤمنون راه قضية اللغة راه ماشي خضرة فوق الطعام ليست طرفا بل واجبا وطنيا وقبل ذلك واجبا دينيا اسلاميا كتحملو فيه المسؤولية ديالنا كاملة ما قديت تعلم العربية الفصحى علمو الداريجة كملو بالداريجة في بلاد الغرب - [00:03:12](#)

وماتخليهش يضيع منو اللسان ديالو ديال الابهاء ديالو ديال الاجداد ديالو فإذا ضاع راه خمسين فالمية ديال الشخصية ديالو خمسين فالمية ديال الشخصية ديالو مشات مشات الا ان يرحمه الله - [00:03:32](#)

بامرين من عندي ولذلك واحد العدد ديال الشباب مساكن ملي كيكاتب لهم الله تعالى الهداية وكيجيو من بلاد الغرب وجايين مهديين

كتشوف سبحان الله الوضعية ديالو بحال شي نصراني عاد سلم - [00:03:45](#)

اللسان ديالو معدب مع العربية هذا مشكل كبير كيف اذا سيقراً كتاب الله؟ كيف سيصلي الصلاة لا تقوم الا بالقرآن الكريم وهذا القرآن بلسان عربي مبين ولذلك العنصر الأساسي اللول لي كيتحملو فيه المسلمين مسؤوليتهم - [00:03:57](#)

تلقين ابناؤهم لغة الوطن ولغة البلد ولغة الحضارة ديالهم كيفاش يدير يدبر وحايلا لأن هو عرف كيفاش يدير يمشي لهيه. وعرف كيفاش يدير يبني الأسرة لهيه كذلك صرف الإمكانيات المادية الكافية لهذا - [00:04:18](#)

لأنه لما كتعلق الأمر بمشروع مادي مكيبقاش يضرب الحساب ديك الساعة للفلوس ولكن لما يتعلق الأمر بالولاد ديالو كيبدا يحسب هذا راه فوق الأمر ديال الولاد هذا راه حساب الله يوم القيامة ستوقف وستسأل عن ذلك اسئلة - [00:04:36](#)

العنصر الثاني هو القرآن الكريم القرآن الكريم يعني الأبناء يعني يطلعو ومكيعرفوش القرآن كيسمعو بيه كيما يسمعو بيه النصراني واليهود يعني ويسمي حتى يعني باللغة الاعجمية. الفرنسية والانجليزية. تا اللفظة ديال القرآن لا تستقيم على لسانه - [00:04:53](#) ويتحدث عنه كما يتحدث اي اجنبي عن الدين لأن عمرو ما قراه عمرو ما سمعو حتى السمع فان حصل له احتكاك فكما يحصل لسائر العجمي من غير المسلمين - [00:05:15](#)

هذا منكر كبير منكر كبير وجب ان تتحمل مسؤوليتك ايها الأب بان يتعلم ابنك كيف يقرأ القرآن خصو يفتح المصحف وتكون عندو القدرة لقراءة القرآن الكريم. لأن ايها المؤمنون راه القرآن هو رسالة الله. رسالة الله رب - [00:05:31](#)

رب السماوات الى الناس اجمعين. كيف تصيغ لنفسك ان تمنع رسالة الله ان تصل الى ولدك واجب عليك باش تكون تأدي البلاغ لي كلفك به الله تعالى مكلف كبير بعد ذلك سيدنا محمد عليه الصلاة والسلام. توصل الرسالة. كيفاش انت كنت مسلم؟ انت كيفاش كنت مسلم؟ الرسالة جاتك من عند والديك - [00:05:52](#)

وكل واحد فينا يراجع الحياة ديالو والطفولة ديالو ويذكر بأن الصبغة الإسلامية ديال القلب ديالو تلقاها من هاديك اللحظات الأولى ديال الطفولة ديالو واخا الوالدين كيكونو جهال ولكن كانوا مومنين كانوا مسلمين كيفقروا القرآن ولا مكيعرفوش يقرأوه كيجيبو الطلبة للدار يقرأوا القرآن وينصتون ولهم مجالس حول القرآن - [00:06:17](#)

حول ذكر الله جل وعلا وداكشي عندو اثر كبير هو اللي كيكون الشخصية ديال الإنسان الى ان يموت انت ماذا اديت من هذا الدور؟ ياك والديك اعطوه لك والديك بلغوه لك. ماذا صنعت لأبنائك انت - [00:06:37](#)

فإذا لما كتخوي الساحة شية طبيعي غادي يعمرها النصراني ولي خصك تلقنو نتا كيلقنو لو النصراني فكتفاجئ بالابن ديالك من بعد البلوغ ديالو شخصية اخرى تماما لا انتماء لها لوطن ولا لدين - [00:06:53](#)

القرآن الكريم من الأشياء الأساسية لي خصك تبلغها لولادك بشكل كلي او بشكل جزئي يعني ولو صور قلائل على الأقل تعطيه الطريقة باش يتعامل مع القرآن الكريم. يعني يعرف يقرأ العربية لي مكتوب بها القرآن الكريم. يعرف يقرأ الى فتح المصحف يعرف يقرأ.

الهداية - [00:07:08](#)

الله تعالى. ولكن نهار يكتبها الله لما يرجع للقرآن تكون عندو القدرة يرجع. اما لما يبغي يرجع كيلقى راسو بحالا غادي يقرأ الشينوية اذن شكون السبب مخلاش يرجع نتا؟ نتا لي معطيتيهش فرصة - [00:07:29](#)